

**Projekat CEB II – “Zatvaranje kolektivnih centara i alternativnih smještaja pružanjem javnih stambenih rješenja - LD 1789 (2013)” koje implementira PIU FBiH**

Broj: 04-36-1-2053 - 2105 /13  
Sarajevo, 18.07.2023. godine

Na osnovu člana 64. stav (I), tačka b), člana 70. stav (3) i (6) Zakona o javnim nabavkama („Službeni glasnik BiH” broj: 39/14), Rješenja o imenovanju Komisije za javnu nabavku broj: 04-36-1-2053-2091-2/13 od 31.05.2023. godine, te Preporuke Komisije za javnu nabavku broj: 04-36-1-2053-2104/13 od 10.07.2023. godine, u Otvorenom postupku javne nabavke za usluge nadzora nad izvođenjem radova tokom izgradnje Doma za stara i iznemogla lica u Gradu Goraždu (30 stambenih jedinica) u okviru Projekta CEB II „Zatvaranje kolektivnih centara i alternativnog smještaja pružanjem javnih stambenih rješenja - LD 1789 (2013)“, 15/23 CEB II Pod-projekat 104 SUP, provedenog na osnovu Obavještenja objavljenog na Portalu javnih nabavki pod brojem: 668-1-2-17-3-41/23 od 31.05.2023. godine, federalni ministar raseljenih osoba i izbjeglica,  
**d o n o s i:**

**O D L U K U**  
**O IZBORU NAJPOVOLJNIJEG PONUĐAČA**

**Član 1.**

Prihvata se Preporuka Komisije za javnu nabavku broj: 04-36-1-2053- 2104/13 od 10.07.2023. godine, da se u cilju odabira najpovoljnijeg ponuđača po provedenom Otvorenom postupku javne nabavke za usluge nadzora nad izvođenjem radova tokom izgradnje Doma za stara i iznemogla lica u Gradu Goraždu (30 stambenih jedinica) u okviru Projekta CEB II „Zatvaranje kolektivnih centara i alternativnog smještaja pružanjem javnih stambenih rješenja - LD 1789 (2013)“, Pod-projekat 104 SUP, Ugovor za javnu nabavku radova dodijeli ponuđaču **Smajić-inženjering d.o.o. Goražde**, sa registrovanim sjedištem u ul. Zaima Imamovića bb 73000 Goražde, ID: 4245078150006, sa najbolje ocijenjenom i prihvatljivom Ponudom broj: 445-U-23 od 15.06.2023.godine, za ponuđenu cijenu od **8.658,00 KM** sa PDV-om.

**Član 2.**

Prijedlog Ugovora o nabavci dostavit će se na potpis izabranom ponuđaču, nakon isteka roka od 15 dana, računajući od dana od kada su svi ponuđači obaviješteni o izboru najpovoljnije ponude.

**Član 3.**

Kandidat/ponuđač kojem je dodijeljen Ugovor je obavezan dostaviti dokaze o kvalifikaciji ponuđača, odnosno originale ili ovjerene kopije dokumentacije iz člana 45. stav (1) tačke a) do

d) Zakona o javnim nabavkama („Službeni glasnik BiH“, broj: 39/14 i 59/22), iz Priloga 4. tenderske dokumentacije, člana 50. stav (1) tačke a), c) i g) Zakona o javnim nabavkama („Službeni glasnik BiH“, broj: 39/14 i 59/22), iz Priloga 5. tenderske dokumentacije u roku od 5 kalendarskih dana. Rok od 5 dana teče od perioda dobijanja ili preuzimanja Odluke o izboru najpovoljnijeg ponuđača.

#### **Član 4.**

Izabrani ponuđač, kao uslov za potpisivanje ugovora obavezan je, u roku od 5 dana od dana prijema Obavještenja o rezultatu postupka javne nabavke dostaviti ugovornom organu odgovarajuću Licencu/Ovlaštenje za projektovanje ili izvođenje, izdatu od nadležnog kantonalnog ili federalnog ministarstva za projektovanje svih faza projekta visokogradnje, odnosno licencu za obavljanje djelatnosti građenja građevina. Ukoliko izabrani ponuđač u ostavljenom roku, propusti da dostavi tražena ovlaštenja/licence, prijedlog ugovora će se dostaviti ponuđaču čija je ponuda po rang listi odmah nakon ponude izabranog ponuđača.

#### **Član 5.**

Ova Odluka objavit će se na web-stranici Ugovornog organa ([www.fmroi.gov.ba](http://www.fmroi.gov.ba)) istovremeno s upućivanjem primjeraka Odluka ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH“ broj:39/14 i 59/22).

#### **Član 6.**

Ova Odluka stupa na snagu danom donošenja.

### ***O b r a z l o ž e n j e***

Postupak javne nabavke za usluge nadzora nad izvođenjem radova tokom izgradnje Doma za stara i iznemogla lica u Gradu Goraždu (30 stambenih jedinica), u okviru Projekta CEB II “Zatvaranje kolektivnih centara i alternativnih smještaja putem javnih stambenih rješenja” - Pod-projekat 104 SUP, u okviru Projekta CEB II, koji implementira PIU FBiH, pokrenut je Odlukom o pokretanju postupka javne nabavke, broj: 04-36-1-2053-2091/13 od 31.05.2023. godine.

U postupku prethodne provjere i ispitivanja tržišta za potrebe Federalnog ministarstva raseljenih osoba i izbjeglica, a u vezi sa implementacijom Projekta CEB II „Zatvaranje kolektivnih centara i alternativnih smještaja pružanjem javnih stambenih rješenja“, putem e-maila, dana 27.03.2023. godine poslan je upit o cijenama za usluge nadzora (Obrazac za cijenu ponude) na adresu potencijalnih ponuđača: Samjić -inženjering doo Goražde, IG Banja Luka, HG Inženjerig doo Tuzla, Vizija doo Sarajevo, Atrijus projekt doo Živinice, Radis doo Istočno Sarajevo i Industroprojekt a.d. Prijedor.

Svoje odgovor sa ponuđenom cijenom u predviđenom roku dostavio je ponuđač Smajić-inženjering doo Goražde.

Procijenjena vrijednost javne nabavke je 20.000,00 KM bez PDV-a.

Javna nabavka je planirana u Planu javnih nabavki za 2023. godinu, pod rednim brojem 15. CEB II, Pod-projekat 104 SUP, a koji je objavljen na web stranici Ugovornog organa ([www.fmroi.gov.ba](http://www.fmroi.gov.ba)) u skladu sa članom 17. Zakona o javnim nabavkama („Službeni glasnik BiH“ broj:39/14 i 59/22). Javna nabavka je sprovedena Otvorenim postupkom u skladu sa Zakonom o javnim nabavkama („Službeni glasnik BiH“, broj: 39/14 i 59/22).

Kriterij za ocjenu ponuda je "najniža cijena" tehnički zadovoljavajuće ponude.

Obavještenje o nabavci broj: 668-1-2-17-3-41/23 je objavljen na Portalu javnih nabavki ([www.ejn.gov.ba](http://www.ejn.gov.ba)) dana 31.05.2023. godine. Sažetak obavještenja o nabavci je objavljen u „Službenom glasniku BiH“ broj 40, str.55 od 02.06.2023. godine;

Komisija za javnu nabavku imenovana je Rješenjem Ugovornog organa, broj: 04-36-1-2053-2091-2/13 od 31.05.2023. godine. Komisija za javnu nabavku dostavila je Zapisnik o pregledu i ocjeni ponuda odgovornoj osobi broj: 04-36-1-2053-2103/13 od 10.07.2023.godine, odgovornoj osobi Ugovornog organa.

U Zapisniku o pregledu i ocjeni ponuda utvrđeno je da je Komisija u skladu sa Zakonom, blagovremeno i pravilno izvršila otvaranje dostavljenih ponuda i njihovu ocjenu, o čemu je sačinila odgovarajući Zapisnik, u kojem je utvrđeno slijedeće:

- U tabeli br. 1, u skladu sa provedenim postupkom iz člana 1. ove Odluke, svoje ponude dostavili su slijedeći ponuđači:

RB	Broj protokola	Naziv i sjedište ponuđača	Koverta ispravno zatvorena (zapečaćena ili potpisana) (da/ne)	Ukupna cijena ponude u KM (bez PDV-a)	Popust na cijenu ponude u KM (bez PDV-a)	Ukupna cijena ponude sa popustom u KM (bez PDV-a)
1.	04-36-1-2053-2097/13	“Smajić-inženjering“ d.o.o. Goražde	Da	20.000,00 KM	0,00 KM	20.000,00 KM
2.	04-36-1-2053-2098/13	“UNIPROJEKT“ d.o.o. Goražde	Da	19.840,00 KM	0,00 KM	19.840,00 KM
3.	04-36-1-2053-2099/13	Institut za građevinarstvo “IG“ d.o.o. Banja Luka	Da	20.000,00 KM	0,00 KM	20.000,00 KM

Konstatovano je:

- da je ukupno dostavljeno 3 (tri) ponude,
- da je blagovremeno zaprimljeno 3 (tri) ponude,
- da nije bilo neblagovremeno zaprimljenih ponuda i
- da sve blagovremeno dostavljene ponude u postupku nabavke ispunjavaju formalno - pravne uslove u skladu sa Zakonom o javnim nabavkama i odredbama tenderske dokumentacije Ugovornog organa.

Svi članovi Komisije sa pravom glasa koristili su tabelu za tehničku evaluaciju, kako bi procijenili ispunjenost tehničkih uslova propisanih tenderskom dokumentacijom u okviru ponuda koje ispunjavaju formalne uslove. U procesu tehničke evaluacije, a na osnovu uslova i zahtjeva iz tenderske dokumentacije vezanih za oblik, sadržaj i potpunost ponude, ustanovljeno je da sve dostavljene ponude ispunjavaju tehničke uslove date u tenderskoj dokumentaciji.

- U tabeli br. 2 dat je pregled i izvršeno je rangiranje prihvatljivih ponuda prema kriteriju za izbor ponude „najniža cijena“ kako slijedi:

RB	Naziv ponuđača	Cijena iz obrasca ponude bez popusta i bez PDV-a	Popust	Ukupna cijena nakon računске provjere (sa popustom i bez PDV-a)
1.	“UNIPROJEKT“ d.o.o. Goražde	19.840,00 KM	0,00 KM	19.840,00 KM
2.	“Smajić-inženjering“ d.o.o. Goražde	20.000,00 KM	0,00 KM	20.000,00 KM
3.	Institut za građevinarstvo “IG“ d.o.o. Banja Luka	20.000,00 KM	0,00 KM	20.000,00 KM

Ponude ponuđača UNIPROJEKT“ d.o.o. Goražde, Smajić-inženjering“ d.o.o. Goražde i Institut za građevinarstvo “IG“ d.o.o. Banja Luka prihvatljive su za Ugovorni organ, dostavljeni su svi traženi dokazi propisani tenderskom dokumentacijom na propisan način te su iste dalje bile predmet provođenja postupka nabavke uz korištenje sistema e-aukcije za kriterij cijene „najniža cijena“, kako slijedi:

#### Podaci o provedenoj e-aukciji:

- Broj postupka: **668-1-2-17/23**
- Datum i vrijeme zakazivanja e-aukcije: 03.07.2023.godine u 8:13:33 sati
- Vrsta postupka: otvoreni postupak
- Kriterij za dodjelu ugovora: najniža cijena
- Predviđeno vrijeme trajanja e-aukcije: 10 minuta
- Naziv predmeta ugovora: - Usluge nadzora nad izvođenjem radova tokom izgradnje Doma za stara i iznemogla lica u Gradu Goraždu, u okviru Projekta CEB II „Zatvaranje kolektivnih centara i alternativnog smještaja pružanjem javnih stambenih rješenja - LD 1789 (2013)“, 15/23-CEB II Pod-projekat 104 SUP.

#### Rang lista ponuđača koji su pozvani da učestvuju u e-aukciji:

R.br.	Naziv ponuđača	IDB/JIB	Početna cijena u KM bez PDV-a	Rang
1.	“UNIPROJEKT“ d.o.o. Goražde	4245010600003	19.840,00 KM	1.
2.	“Smajić-inženjering“ d.o.o. Goražde	4245078150006	20.000,00 KM	2.
3.	Institut za građevinarstvo “IG“ d.o.o. Banja Luka	4400918310005	20.000,00 KM	3.

Tok e-aukcije:

- Period trajanja e-aukcije:
- Početak: 05.07.2023. 10:00:00 sati
- Završetak: 05.07.2023. 10:58:00 sati
- Minimalna razlika podnesene cijene: 19,84
- Maksimalna razlika podnesene cijene: 1984,00

**Konačna rang lista ponuđača koji su učestvovali u e-aukciji:**

R.br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1.	“Smajić-inženjering“ d.o.o. Goražde	4245078150006	7.400,00 KM	63%	1.
2.	“UNIPROJEKT” d.o.o. Goražde	4245010600003	7.420,00 KM	62,6% **	2.
3.	Institut za građevinarstvo “IG“ d.o.o. Banja Luka	4400918310005	8.000,00 KM	60%	3.

Obzirom da je procijenjena vrijednost nabavke 20.000,00 KM bez PDV-a, a da je cijena prvorangiranog ponuđača nakon e-aukcije 7.400,00 KM bez PDV-a, Komisija je u skladu sa članom 66. Zakona o javnim nabavkama („Službeni glasnik BiH“, broj 39/14 i 59/22), članom 17. stav (8) Upustva za pripremu modela tenderske dokumentacije i ponuda („Službeni glasnik BiH“, broj 90/14 i 20/15), te Mišljenja Agencije za javne nabavke od 16.12.2020. godine, zatražila od ponuđača “Smajić-inženjering“ d.o.o. Goražde, pojašnjenje neprirodno niske cijene dopisom broj 04-36-1-2053-2097-1/13 od 07.07.2023. godine.

Ponuđač je dopisom broj: 536-U-23 od 07.07.2023. godine, dostavio obrazloženje ponuđene cijene, gdje je naveo da ponuđač ima izuzetne uslove za vršenje usluga nadzora nad izvođenjem radova budući da su usluge koje su predmet javne nabavke vrše na području Grada Goražda gdje je i sjedište ponuđača, da su samim tim troškovi znatno smanjeni, a ponuđač je dostavio i prikaz poređenja tržišnih cijena već realizovanih ugovora na području cijele BiH. Komisija je izvršila uvid u dostavljeno pojašnjenje, i tom prilikom jednoglasno konstatovala da je ponuđač ponudio adekvatno obrazloženje ponuđene cijene, te da će za ponuđenu cijenu moći uspješno realizovati ugovor za javnu nabavku

U skladu sa gore navedenim Komisija za javnu nabavku je shodno provedenoj ocjeni prihvatljivih ponuda i utvrđenij rang listi uz Zapisnik o pregledu i ocjeni ponuda, broj: 04-36-1-2053- 2103/13 od 10.07.2023. godine, dala svoju Preporuku za prihvatanje ponude i donošenje odluke o izboru najpovoljnijeg ponuđača broj: 04-36-1-2053-2104/13 od 10.07.2023. godine, za dodjelu Ugovora prvoplasiranom ponuđaču na rang listi **Smajić-inženjering“ d.o.o. Goražde.**

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te ocjenu prispjelih ponuda u skladu sa Zakonom o javnim nabavkama („Službeni glasnik BiH“ broj:39/14 i 59/22) i kriterijima iz tenderske dokumentacije.

Uzimajući u obzir naprijed navedeno, primjenom člana 64., stav 1., tačka b) Zakona o javnim nabavkama („Službeni glasnik BiH“ broj: 39/14 i 59/22), odlučeno je kao u članu 1. ove Odluke.

Po okončanju roka za žalbu, ugovorni organ će pozvati odabranog ponuđača na zaključenje ugovora kojim će se regulisati međusobna prava i obaveze vezane za predmetnu nabavku shodno nacrtu ugovora datom u tenderskoj dokumentaciji.

**POUKA O PRAVNOM LIJEKU:**

Protiv ove Odluke svaki od ponuđača koji je učestvovao u postupku nabavke može izjaviti žalbu u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka

**MINISTAR**

Nerin Dizdar

Dostaviti:

- Svim učesnicima u postupku
- Web stranica Ministarstva
- Radna grupa za javne nabavke Projekta CEB II
- a/a